

Taarsigassarsinermut akiitsorsinnaanermullu niueqatigiinnermi piumasaqaatit nalinginnaasut aamma malittarisassat immikkut ittut – atuisartut – atuutilerfigalugu 01.01.2010.

Taarsigassarsinermut akiitsorsinnaanermullu niueqatigiinnermi piumasaqaatit nalinginnaasut kiisalu malittarisassat immikkut ittut GrønlandsBANKEN'ip aamma illit akornissinni pisussaaffinnut sunulluunniit atuupput, makku pillugit erseqqilluinnartumik allanik isumaqatigiissusiortoqarsimangippat; soorlu uninngasuutit pillugit isumaqatigiissut, taarsigassarsinerit pillugit isumaqatigiissut (akiitsorsinnaanermut isumaqatigiissut), toqqorsimatitsineri piumasaqaatit, checkit aamma Dankort pillugit malittarisassat imaluunniit boksit pillugit piumasaqaatit imaluunniit piumasaqaatit immikkut ittut allat.

1. Sullitatut ilanngunnermi pissutsit

GrønlandsBANKEN'imi sullinneqaleruit nalunaarutigissavatit ateq, najugaq aamma inuup normua (CPR-nr.). Pas-i takutissavat imaluunniit uppersartaat alla CPR-nr. naqereersimasoq.

2. Illit pillutit paasissutissanik pissarsiorneq suliarinninnerlu

Inuit pillugit paasissutissanik pissarsiorneq atuinerlu

Sullitassanik nutaanik pilersitsineqaraangat GrønlandsBANKEN paasissutissanik pissarsiorneq, soorlu ilaatigut ateq, najugaq aamma CPR-nr., sullississutinik sunilluunniit aningaasarsionikkut neqeroorutissanik atugassanik, tamakkununga ilaallutik sullitanik siunnersuineq, sullitanik isumassuineq, sullitanik allaffissornikkut isumaginnineq, akiitsorsinnaassuseqanermik naliliineq kiisalu niueqatigiinnermi siuarsaaneq.

Akiliisarnernik sullissineri atugassanik, soorlu akiitsorsinnaanermut akiliisinnaanermullu uppersartaatinik atueq, check-it, netbank il.il. paasissutissat pisiniarfinit, aningaaserivinnit allanillu pissarsiarineqartarput. Taamattaq check-inik atuisarneq pillugu paasissutissanik pissarsiortoqartarpoq. Paasissutissat tamakku pissarsiariniarneranni taamaallaat atorneqartarput GrønlandsBANKEN eqqortunik akiliisarnissaanut kiisalu kontot assilinerinik suliarinninnernut, akiliisimanernut takussutissanik suliarinninnernut assigisaannullu.

Taamattaq GrønlandsBANKEN ilaatigut Qitiusumik Inunnik Allattorsimaffimmu paasissutissanik pissarsiorneq (ilaatigut najugaq pillugu paasissutissanik nutarterinissat siunertaralugit), pisortallu paasissutissanik nalunaarsukkanillu suliarinnittarfiinit allanik. Akiliisinnaassuseqarnerit pillugu naliliinissamut atatillugu taarsigassarsitsisarfinni paasissutissiisarfiinnit kiisalu mianersoqqusisarnerni nalunaarsuisarfinit GrønlandsBANKEN paasissutissanik pissarsiorneq. Grønlandsbankenip aamma malugeqquaa CPR-inik nalunaarsuisarfimmit kiisalu taarsigassarsitsisarfinni paasissutissiisarfiinnit kiisalu mianersoqqusisarnerni nalunaarsuisarfinit Datatilsynet-imit akuerisaasunit paasissutissat ingerlaavartumik nutarterinissat siunertaralugu paasissutissanik pissarsiniartarmat, (ilaatigut Kreditvagten aamma Aktiv Kreditsikring-imit). Paasissutissat suminggaanniit pissarsiarineqarsimasut pillugit Grønlandsbankenimut qaqugukkulluunniit saaffiginnissinnaavutit.

Nammineq aalajangissavat paasissutissat kissaatigineqartut Grønlandsbankenimut tunniukkusunerlugit, paasissutissalli pisariaqarput Grønlandsbankenip pitsaasumik isumannaatsumillu siunnersorneqarnissannut kiisalu taarsigassarsinissat pillugit apeqquteqarninni imaluunniit allatigut sullinnissannut pisariaqarlutik.

Nipangiussisimasussaataaneq

Pissutsinik ilinnut tunngasunik Grønlandsbankenimi sulisut nipangiussisimasussaataapput, Grønlandsbankenimilu sulinertik peqqutigalugu paasissutissat ilisimalersimasatik tunngavissaqanngitsumik ingerlatissinnaanngilaat imaluunniit tunniussinnaanngilaat. Nipangiussisimasussaataaneq pillugu malittarisassat aningaasarsionermik suliaqarneq pillugu inatsimmi aalajangersagaapput.

Paasissutissanik ingerlatitseqqinneq

Illinik isumaqatigiissuteqarnerit eqquutsinniarlugit, soorlu aningaasanik allanut nuussisarnerit pillugit, paasissutissat ilinnut tunngasut ingerlateqqinneqartarput, illit kinaassutsivit uppersarnissaanut kiisalu isumaqatigiissutip piviusunngortinnissaanut pisariaqartunik.

Paasissutissanik ingerlatitseqqinneq pisinnaavoq, inatsisit malillugit imaluunniit eqqartuussivitsigut aalajangersimasat malillugit ilinnit akuersissummik pissarsineqarsimagaangat. Taamaattumik paasissutissat pisortani oqartussanut ingerlateqqinneqartarput inatsisitigut piumasaqaatit tunngavigalugit, soorlu assersuutigalugu akileraartarnermut oqartussanut paasissutissiinikkut.

Illit aningaaserivimmud pisussaaffitit sumiginnarsimagukkit, malittarisassat tamakkununga atuuttut naapertorlugit taarsigassarsinnaanermut paasissutissiisarfimmud aamma/imaluunniit mianersoqqusisarnernermut nalunaarsuiffinnut GrønlandsBANKENip nalunaarutigisinnaavaatit.

Illit sullitatut pissutsit pillugit paasissutissat nalinginnaasut, soorlu ateq, najuaq aamma CPR-nr. ingerlateqqinneqarsinnaapput, GrønlandsBANKEN'ip allaffissornikkut sulianik isumaginninnermini atugassanik.

Akuersisarneq

Qaqugukkulluunniit pitsaanerpaamik sullissinnaanissat siunertaralugu GrønlandsBANKENip siunnersuinerimut aamma niuernikkut siuarsaanermut atugassanik paasissutissani ingerlatsitseqqinnissamut akuerseqqullutit qinnuigisinnaavaatit. Tamanna soorunami nammineq aalajangerneqarsinnaavoq, ukiumullu ataasiartumik GrønlandsBANKENip nalunaarummi nassittassavaatit ilisimatitsissutigalugu paasissutissat suut ingerlateqqissanersut, ingerlatitseqqinnermi suut siunertaanersut, kiisalu illit pillutit paasissutissanik kikkut pissarsisinnaanersuut. Akuersissuteqarneq qaqugukkulluunniit allannngortinneqarsinnaavoq imaluunniit utertinneqarsinnaalluni.

Sullitat pillugit paasissutissat nalinginnaasut

Sullitat pillugit paasissutissat nalinginnaasut GrønlandsBANKENip ingerlateqqissinnaavai, sullitat inissisimanerini immikkoortiterinermut tunngavissaasinnaasut, suliffeqarfinnut suliffeqarfinnit aningaasarsionermik sammisaqartunit ataatsimoorullugit pigineqartunut. Imaattariaqarporli paasissutissanik ingerlatitsinnermi GrønlandsBANKEN peqqutissaqartariaqarmat, illillu soqutigisannut assortuutinngippata. Sullitat pillugit paasissutissat nalinginnaasut assersuutigalugu tassaapput ateq aamma najuaq.

Inuit pillugit paasissutissanik GrønlandsBANKENip suliarinninneranik paasiniaaneq

Illit pillutit paasissutissat suut GrønlandsBANKENip suliarisarnerai pillugit qaqugukkulluunniit paasiarsinnaavatit. Allakkatigut akissuteqarfingineqarnissat kissaatigigukku GrønlandsBANKEN sullissinnerimut akiliummik akilleeqqusisinnaavoq.

GrønlandsBANKENip paasissutissaataani kukkunerit

Illit pillutit paasissutissat kukkuneqarsimasut GrønlandsBANKENip malugigunigit, imaluunniit paasissutissat pututsitsiniutaasut, paasissutissat ingerlaannartumik iluarsineqassapput imaluunniit piiarneqassallutik.

GrønlandsBANKENip paasissutissanik suliarinninnera pillugu maalaaruteqartarneq
Paasissutissanik inunntut tunngasunik il.il. GrønlandsBANKENip suliarinnittarnera pillugu iluarinngisaqaruit, GrønlandsBANKENimut maalaaruteqarsinnaavutit imaluunniit uunga; Datatilsynet, Borgergade 28, 5., 1300 København K.

3. Erniaat

Erniaatigut atugassarititaasut

Kontot uninngasuutitut taarsigassanullu tunngasut ataasiakkaat erniaavi nikerartuupput, allanik erseqqilluinnartumik isumaqatigiissusiortoqarsimangippat.

Erniaat nikerarnerat ima paasineqassaaq, erniaanut akigititat GrønlandsBANKENip allanngortissinnaagai.

Erniaanut akigititanut apeqqutaavoq kontop suunera, taamallu erniaanut akigititat kontomut tamarmut atuunnersoq, kontomi qaqugukkulluunniit uninngasuutit apeqqutaasinnaallutik.

GrønlandsBANKEN aalajangersinnaavoq niueqatigiinnikkut oqaatsit atorneqartut danskisuujusussaasut, soorlu uppernarsaatitut allakkat ilaanni immikkut ittuni. Isumaqatigiinngittoqartillugu isumaqatigiissutip danskisut oqaasertalersorneqarnera isumasiuinermut tunngavigneqassaaq, isumaqatigiissummut kalaallisut oqaasertalersugaasumut salliutillugu.

Erniaanut akigititaasut allanngortinneri

Erniaanut akigititaasut allanngorartut siumut kalerriinertaqanngitsumik GrønlandsBANKENip allanngortissinnaavai, allannguinerit ilinnut iluaqutaassappata.

GrønlandsBANKENip uninngasuutitut erniaanut akigititaasut allanngorartut millisinnaavai aamma taarsigassarsianut erniaanut akigititaasut allanngorartut allisinnaavai, siumut kalerriinertaqanngitsumik, ima pisoqarsimappat

- nunami immiini nunanilu allani aningaasanut taarsigassarsinermullu politikkit allanngortinneqarneri GrønlandsBANKENimut pingaaruteqarpata, erniaat qaffasissusiisa inissisimanerat nalinginnaasoq sunniuteqarfigineqarnera peqqutigalugu,
- erniaat qaffasissusiisa inissisimanerat nalinginnaasoq allanut allanngoriarpat, soorlu aningaasanik obligationinillu niueqatigiinnermi GrønlandsBANKENimut pingaaruteqarpata, imaluunniit
- akileraarutit akitsuutillu allanngorneri GrønlandsBANKENimut pingaaruteqarpata.

GrønlandsBANKENip uninngasuutitut erniaanut akigititaasut allanngorartut millisinnaavai aamma taarsigassarsianut erniaanut akigititaasut allanngorartut allisinnaavai, qaammammik ataatsimik siumut kalerreereernikkut, ima pisoqarsimappat

- niueqatigiinnikkut pissutsit, tamakkununga ilaallutik unammilleqatigiinnermi imaluunniit aningaasarsiornermi pissutsit, kontomut ataatsimut arlalinnulluunniit allannguissamik peqqutissaqartitsippata,

- pissutsit, illit erniaatigut akiligassannut piumasaqaatit immikkut ittumik aalajangersarneqarnerannut tunngaviusut, allangortinneqarpata, imaluunniit
- niueqatigiinnermik peqquteqartumik GrønlandsBANKENip erniaarititani akigititanilu nalinginnaasut allangortippagit, erniaat inissisimani nalinginnaasut allangortinnerinut attuumassuteqanngikkaluartumik. Niueqatigiinnikkut peqqutaasut ilaatigut tassaasinnaapput GrønlandsBANKENip isumalluutiminik imaluunniit naammassisinnaasaminik siunertaqarnerusumik atornissaannut anguniagaqarluni imaluunniit aningaasarsiornerminik qaffatsitsinissani anguniarlugu.

Erniaatigut akigititaasut allangorneri pillugit allakkatigut ilisimatinneqassaatit imaluunniit tusagassiuutitigut ullormut saqqummersartukkut nalunaarutiginnikkut, tamannalu pillugu nalunaarutiginnereernermi GrønlandsBANKEN'ip kontop assilinerata siulliup nassiunneranut atatillugu.

Uninggaasutinut qaqugukkulluunniit taamaatinneqarsinnaasunut erniaaritinneqartut allangorneri pillugit siumut kalerriisarnermut ilinnut tunngasumut sivikinneruppat, erniaat allangortinneqarneri atuutilereernerini ullut 14-it ingerlanerini, aningaasat ikisimasatit tigusinnaavatit erniaat ilanngussuunneqarsimasut ilanngaatinagit.

4. Erniaanik naatsorsuineq, ullut erniaalersuiffiit aamma erniaat ilasarnerat

Immikkoortoq manna illit akiliisarnikkut kontorisanni atuutissanngilaq – takuuk akiliisarnermi sullinneqarneq pillugu ilassut.

Akiliisarnermut konto tassaavoq konto akiligassanik nuussisarnerit ingerlanneqarnissaannik siunertaqarluni pilersinneqarsimasoq. Assersuutigalugu akissarsianut aamma missingersuutinut konto-t ilaatinneqassapput.

Ulloq suliffiusoq tassaavoq ulloq akiliisup imaluunniit akiliutininik tigusisup sullississua, akiliinermi nuussinermik isumaginninnermut peqataasoq, akiligassanik nuussinerup pivisunngortinneqarnissaanut piumasaqaataasut malillugit suliffimminik ammatitsiffia.

GrønlandsBANKENip malugeqqussavaa, Danmarkimi qarasaasiakkut sullissisumik toqqaasimagami, Danmarkip nalunaaqutaa malillugu suliaqartartoq, tamannalu erniaalersuinerni ullunut aamma erniaat amerlinerisa ulluinut sunniuteqarsinnaalluni.

Danmarkimi qarasaasiakkut sullissisumik toqqaaneq peqqutigalugu arlaatigut piasissersuisoqaraluarpat GrønlandsBANKENip arlaatigulluunniit akisussaaffingnilaa.

GrønlandsBANKEN ullut tamaasa kontonut ataasiakkaanut tamanut erniaanik ima iliornikkut naatsorsuisarpoq:

Uningasuutit x pappiliangorlugu erniaat/365(366)

Qaammatit tamarmik ulluisa amerlassuserpiaat malillugit naatsorsorneqartarput.

Uningasuutit ullormoortut naatsorsorneqaraangata kontot nikerarnerannut erniaanut ullugitinneqartut GrønlandsBANKENip aallaavigisarpai.

Ulloq erniaaliiffiusoq tassaavoq ulloq akiliinerup, tigusinerup imaluunniit kontomi nikerarnerit allat kontomi erniaanik naatsorsuinermit sunniuteqarfignigaa.

Malittarisassat makku aallaavittut atuutsinneqarput:

GrønlandsBANKENimi kontonnut aningaasanngorlugu, checkinngorlugu imaluunniit Dankort atorlugu akiliiguit, ulloq suliffiusoq tassaavoq akilereernermit ulloq erniaanik naatsorsuiffissaq.

Arfininngornerit, sapaatit sapaassuillu, ulloq inatsisitaarfik, Qilaliarfiup kingorna tallimanngorneq, juulliaraq aamma ukiutoqqaq ulluupput GrønlandsBANKENimi suliffiusannngitsut.

Check-inngorlugu aningaasanik ilinnut atsiukkamik akiliiffineqaraangavit ulloq suliffiusoq tassaavoq ulloq erniaalersuiffiusoq. Checkinngorlugu aningaasanik GrønlandsBANKENimi kontonnut ikisiffiulluni ulloq erniaalersuiffiusoq tassaavoq ulloq akiliiffiusoq.

Aningaasanngorlugit, checkinngorlugit imaluunniit Dankort atorlugu GrønlandsBANKENimi kontonnut akiliineqartillugu, ulloq suliffiusoq tassaavoq ulloq erniaalersuiffiusoq.

Dankort atorlugu imaluunniit GrønlandsBANKENimi aningaasanik tigusissut atorlugu aningaasanik tigusarfiani tigusiguit, ulloq aningaasanik tigusiffiusoq tassaavoq ulloq erniaalersuiffiusoq

Pisiniarfinni checki imaluunniit Dankort atorlugu akiliiguit, ulloq checkip imaluunniit Dankortip uppørnarsaataa aningaaserivimmi tignerani ulloq tassaavoq erniaalersuiffik.

Pisiniarfinni Dankort qarasaasiakkut sullisseriaatsimi atorukku, ulloq kortip atorneqarfia tassaavoq ulloq erniaalersuiffiusoq.

GrønlandsBANKENimi nammeneq kontoit akornanni aningaasanik nuussigaangavit, ulloq suliffiusoq tassaavoq kontonut marlunnut ulloq erniaalersuiffiuvoq.

Akissarsigaangavit, pisortanit aningaasanik pissarsigaangavit il.il. ulloq suliffiusoq tassaavoq ulloq erniaalersuiffiusoq.

Danmarkimi aningaaserivimmit kontomit aningaasanik nuussiffineqaraangavit ulloq erniaalersuiffiusoq tassaavoq ulloq aningaasanik nuussiffiusoq.

Malittarisassat siumut kalerriinertaqanngitsumik qaqugukkulluunniit GrønlandsBANKENimit allannngortinneqarsinnaapput.

Erniaalersuineq

Uninngasuuti eqqarsaatigalugit GrønlandsBANKEN ukiumut ataasiartumik erniaanik ilassuteqartarpoq. Tamanna pisarpoq erniaatigut naatsorsuinerit ullormukkaartut katinnerisigut, aningaasallu katinneri tamakkerlugit illit kontonnut ikineqarlutik. Erniaanik ilasereernerup kingorna ulloq siulleq siulleq tassaavoq ulloq erniaalersuiffiusoq.

GrønlandsBANKENip taarsigassarsiat erniaalersortarpai qaammatikkaartumik, qaammatit pingasukkaartumik imaluunniit ukiup affakkaartumik. Erniaalersuinermit ullut aalajangersimaneri taarsigassarsinermit uppørnarsaammi allassimavoq.

Erniaanik ilanngussuineq pisarpoq erniaatigut naatsorsuutit ullormukkaartut katinnerisigut, aningaasallu katinneri illit kontonnit ilanngaatilugit. Ulloq erniaanik ilanngussiffiusoq tassaavoq ulloq erniaalersuiffiusoq.

Erniaat ilaartorsimaneri kontop assilinerani imaluunniit allatigut naatsorsuutini allassimasarput.

GrønlandsBANKEN aalajangersinnaavoq erniaat amerlassusii arlaatigut malillugit kontomut ilaartuutigineqassanngitsut.

5. Sullinneqarnermut akiliutit

GrønlandsBANKEN ilinnik sullissinermini akiliutinik akiliisitsisinnaavoq, soorlu nunanut allanut akiliutinik isumaginninnermut, naqitassanik takussutissanillu ujarlernernut, pappilissanik assiliinernut, ilinnik immikkut sullissinerminut, allakkanik nukingisaarutinik nassiusinernut kiisalu assersuutigalugu taarsigassarsiat allannortinnerinut. GrønlandsBANKEN taamattaq pisortat oqartussaannit apeqqutinik akissuteqarnernut akiliisitsisinnaavoq.

Sullinneqarnermut akiliutit sullinneqarneq tunggavigalugu aalajangersimasumik amerlassusilerlugit akiliutigeqquneqarsinnaapput imaluunniit sullinneqarnerup annertussusianut naleqqiullugu procentinngorlugu imaluunniit nalunaaquttap akunneranut akiliutitut. Naatsorsueriaatsit ataatsimoortillugit naatsorsorneqarsinnaapput.

Akiliutit nalinginnaasut akit allattorsimaffianni allassimapput, GrønlandsBANKENimi pissarsiarisinnaasatit imaluunniit nittartakkakut www.banken.gl. Akiliutit allat apeqquteqarnikkut tunniunneqarsinnaapput.

Akiliutinik allannortitsinerit

Sullissinermi akiliutit GrønlandsBANKEN-ip siumut kalerreeqqaarnani qaqugukkulluunniit ikilisissinnaavai.

- Sullissinermi akiliutit ingerlaavartut, isumaqatigiissutikkut pissutsinut pioreersunut ilaasut, GrønlandsBANKENip qaammammik ataatsimik sioqqutsilluni kalerriutigereerlugit amerlisinnaavai, niueqatigiinnikkut pissutsit kontoqariaatsimut ataatsimut imaluunniit arlalinnut allannuginissat peqqutissaqartitsippata, soorlu ilaatigut unammilleqatigiinnermi pissutsit imaluunniit aningaasarsiornermut pissutsit
- Sullissinermi akiliutit ingerlaavartut, isumaqatigiissutikkut pissutsinut pioreersunut ilaasut, qaammatinik pingasunik sioqqutsilluni kalerreereernikkut GrønlandsBANKENip allannortissinnaavai, ima pisoqartillugu
- pissutsit ataasiakkaanut tunngasut illit sullinneqarninni piumasaqaatinut tunggavimusasut allannorpata
 - niueqatigiinnermik peqquteqartumik GrønlandsBANKENip akiliuteqartitseriaatsiminik aamma akinik aalajangeeriaatsiminik ataatsimut isigalugit allannortitsippat. Niueqatigiinnikkut peqquutasut ilaatigut tassaasinnaapput GrønlandsBANKEN isumalluutiminik imaluunniit naammassisinnaasaminik siunertaqarnerusumik atornissaannut anguniagaqarluni imaluunniit aningaasarsiornerminik qaffatsitsinissani anguniarlugu.

GrønlandsBANKENip isumaqatigiissutini pioreersuni niueqatigiinnermik tunggaveqartumik sullissinermi akiliutinik atuutsitsilersinnaavoq, GrønlandsBANKENip siusinnerusukkut

akiliisitsissutigisarsimanngisaminik. Akiliutit qaammatinik pingasunik sioqqutsilluni kalerriinikkut atuutsinneqalersinnaapput.

Sullississutinik immikkut ittuni aamma isumaqatigiissutinut nutaanut ataatsimut isiginnilluni GrønlandsBANKEN siumut kalerreeqqaarnani qaqugukkulluunniit akiliutinik atuutsitsilersinnaavoq qaffaallunilu.

Akiliutit allanggorneri pillugit allakkatigut, aningaaseriviup nittartagaatigut ilisimatinneqassaait imaluunniit tusagassiuutitigut ullormut saqqummersartutigut nalunaarutiginninnikkut.

6. Sippuinnernut erniaalersuineq nukingisaarinernilu akiliutit il.il.

Kontot sipporneqarpat, kinguaattoorpat imaluunniit isumaqatigiissutit unioqqutillugit atorneqarpat, GrønlandsBANKEN sippuinnermut erniaanik/akiliutinik akileeqqusisinnaavoq imaluunniit pillaatitut erniaanik, allakkanik nukingisaarutinik nassiussinernut akiliutinik, kiisalu akiliisitsiniarnerni il.il. inatsisilerituunik ikiorneqarnernut aningaasartuutitut akiliutinik akileeqqusisinnaalluni.

Nukingisaarinernut akiliutit amerlassusii GrønlandsBANKENip nukingisaarilluni allagaani allanneqarsimassapput. Sippuinnermut erniaat il.il. illit apeqquteqarnikkut ilisititsissutigineqassapput.

Sippuinnermut erniaat/sippuinnermut akiliut, aningaasatigut isumagisimasat ataatsimut isigalugit aarlerinaateqassusiat tunngavigalugu GrønlandsBANKENip naliliineratigut aalajangerneqassapput kiisalu unioqqutsitsilluni iliuuserisimasat ataasiakkaat aalajangersimasat tunngavigalugit.

Aningaasatigut iliuuserisimasat unioqqutitsisut allaffissornikut naatsorsuuserinikkullu erniaalersuineq unitsissallugu GrønlandsBANKEN qaqugukkulluunniit aalajangersinnaavoq. Taama erniaalersuijunnaarnek, ilinnik isumaqatigiissummik aallaaveqanngitsoq, GrønlandsBANKENip pissarsiasaminik erniaalersuinissaminik kiisalu aningaasartuutiminik kingusinnerusukkat amerlisussanik matussusiinissamat piumasaqarnissaminik taamaatitsineratut isumaqarfigineqassanngilaq. Tamanna atuuppoq, naatsorsueriaaseq atorneqartoq konto assilineratigut assigisaatigulluunniit ilinnut nalunaarutigineqaraluarpat.

7. Akiliinerit aamma tigusinerit

Akiliisarnerni sillimaffiusartut

Aningaasat illit kontonnut akiliutigineqartut, aningaasanngorlugit ikineqanngitsut, GrønlandsBANKENimit aningaasat tigoreernissaasa tungaanut sillimaffigalugit sammineqartarput. Tamannattaq atuuppoq checkinngorlugit akiliutigineqartut GrønlandsBANKENip kontoinit ilanngaatigineqartut. Sillimaneq atuuttarpoq akiliineq pillugu uppersaammi allatulluunniit nalunaarutiginninnermi taaneqanngikkaluarpataluunniit.

Assersuutigalugu checki matussutissaqanngitsoq paasineqarpat, aningaasat kontonnut ikineqarsimasut GrønlandsBANKENip utertillugit tigussavai. Illit kontonnut tiguneqarpata GrønlandsBANKENimit nalunaarfigineqassaait.

GrønlandsBANKENip tungaanit malunnaatilimmik kukkusoaqarsimaneratigut aningaasat illit kontonnut ikineqarsimasut GrønlandsBANKENip utertissavai, soorlu aningaasat taakkorpiaat marloriartumik ikineqarsimappata.

Ikineqarsimasunik atuineq

Aningaasat suulluunniit taarsigassarsianut imaluunniit akiitsorsinnaanermut ikineqarsimasut erniaanik aamma sullinneqarnermi akiliutinik matussutissatut atorneqaqqaartussaapput. Tamanna atuuppoq illit nammineerlutit akiliisimagaluaruilluunniit imaluunniit akiliutit qularnaveeqqusiisumit aallaaveqaraluarpataluunniit.

Akiliutigineqartut sinneri taarsigassarsiat naafferaarnerinut akiliutit tulliullugit atorneqassapput.

Akiliutinik naleqqussaanerit

Erniaat inissisimanerisa, sullissinermi akiliutit assigisaalluunniit qaffakkiartorneri ilutigalugit GrønlandsBANKEN akiliutinik qaffaanissaminut pisinnaatitaavoq – kisiannili tamanna pisussaaffiginagu.

Allaganngortitsinerit

Kontop assilineri pappilianngorlugu imaluunniit qarasaasiakkut tigugaangakku, ingerlaannartumik misissussavat, kontomi inississorneqarsimasut arlaat nammineq akuerisinnaanagit. Taamaattoqassappat ingerlaannartumik GrønlandsBANKEN attaveqarfigissavat.

GrønlandsBANKEN'ip naluaarsuiffiit allaganngortitsineq qaqugukkulluunniit annertussutsit atorsinnaassusiinik uppersaatitut atuuttutut isigineqassapput.

8. Piumasaqaatinik atorunnaarsitsineq, killormut akiliuteqarneq allannngortitsinerlu

Isumaqaatigiissutini piumasaqaatinik allanngueq

Piumasaqaatinik immikkut ittunik isumaqaatigiissuteqarfigineqarsimaguit, uppersaammi immikkoortumik immikkut ittumi allanneqarsimassapput.

Illit aamma GrønlandsBANKENip akornanni pisussaaffiit pillugit piumasaqaatinik aalajangersaneqarsimappat, ilinnik niueqatigiinnerup katinnerani GrønlandsBANKENip pingaartittarpei.

Niueqatigiinnerup annertussusiinik, GrønlandsBANKENimik isumaqaatigiissutaasimangitsunik, allannngortitsineqarpat, tamatumunnga ilutigitillugu GrønlandsBANKEN imminut pisinnaatippoq isumaqaatigiissutini piumasaqaatit allannngortissinnaallugit.

Atorunnaarsitsineq

GrønlandsBANKEN aamma illit tunginnit qaqugukkulluunniit siumut kalerriineqartaqanngitsumik sullinneqarnermi attuumassutit taamaatinneqarsinnaapput.

Taarsigassarsinermulli isumaqaatigiissutit (akiitsorsinnaanermut isumaqaatigiissutit) gaammatinnik marlunnik sioqqutsilluni kalerriinikkut GrønlandsBANKENip taamaallaat atorunnaatsissinnaavai, aatsaalli atornerluisoqarsimappat imaluunniit atorunnaarsitsinissanut allanik peqquteqarsimappat. Taarsigassarsinermut isumaqaatigiissut GrønlandsBANKENip atorunnaarsippagu, peqqutaasumik nalunaarfigineqartussaavutit.

Sullinneqarnermi attuumassutit unitsinneqarneranni qularnaveeqqusiinertut pisussaaffiit GrønlandsBANKENip atorunnaartissinnaavai, tamakkununnga ilaallutik nunat allat aningaasaataasa tungaannut pisussaaffiit, kiisalu pisussaaffinnik allanik ilinnik isumaqaatigiissutaasimasunik pisussaajunnaartitsineq. Illit sinnerlutit pisussaaffiit isumaqaatigiissutaasimasut tamaasa kiisalu pisariaqassappat tamakkununnga qularnaveeqqutaasimasut GrønlandsBANKENip pisussaajunnaartinnissaanut pisussaaffeqarputit.

Killormut akiliuteqarneq

GrønlandsBANKEN siumut nalunaaruteqaaqqaarnani ilinnit pissarsiassani sulluunniit akilerneqartussaasut pissarsiassani suniluunniit GrønlandsBANKENimi pissarsiassatit akilertissinnaavai, allanik GrønlandsBANKENimik isumaqatigiissusiortoqarsimangippat.

Ulluinnarni nalinginnaasumik inuuniarninni aningaasartuutivit matussusernissaannut pisariaqartut aningaasarsiavit ilaat imaluunniit pisortanit pissarsiatit il.il. GrønlandsBANKENip tiguniassangilai. Taamattaq aningaasat kontoniittut, inatsisit malillugit imaluunniit isumaqatigiissutit immikkut ittut malillugit akiitsulinnik malersuinissamut qulakkeerneqarsimasut GrønlandsBANKENip aamma tiguniassangilai.

9. Aalajangersakkat assigiinngitsut

Pisinnaatitsissuteqartarneq

GrønlandsBANKENimut attuumassuteqarfitit illit sinnerlutit allanut isumagitittussanngorlugit allat pisinnaatitsissummik tunisinnaavatit. Pisinnaatitsissut allakkatigut tunniunneqassaaq, nalinginnaasumillu GrønlandsBANKENip pisinnaatitsissummik immersugassaataatigut tunniunneqassalluni. Pisinnaatitsissut atuutissaaq GrønlandsBANKEN ilinnit allakkatigut pisinnaatitsissummik unitsitsinerit pillugu imaluunniit allannguinerit pillugu allakkatigut nalunaarummik pissarsinissaata tungaanut.

Pisinnaatitsissummik tunniussisup toqunerani pisinnaatitsissut atorunnaarsinneqassaaq toqusimaneq pillugu GrønlandsBANKEN nalunaarummik pissarsippat. Tamatuma kingunerissavaa pisinnaatitsissummik tunniussisup kontoi il.il. matuneqarneri, toqusimasup pigisai qanoq iliorneqassanersut eqqartuussivimmit isummerfigineqareepata.

Konto-mi ataatsimoorussami sullitat arlallit isumaqatigiissummumut ilaappata, kontomik piginnittut tamarmik immikkut kisimiillutik konto atorsinnaavaat, allanik isumaqatigiissusiortoqarsimangippat. Konto-milli piginnittup arlaat toquppat, toqusimasup pigisai qulakkeeriniffiginarlugit konto matussallugu GrønlandsBANKEN pisinnaatitaavoq,

Oqarasuaatikkut oqaloqatigiinnernik immiussisarnerit

Eqqortumik sullinneqarnerit anguniarlugu oqarasuaatikkut oqaloqatigiinnerit GrønlandsBANKENip immiussinnaavai. Nalinginnaasumik tamanna taamaallaat pisarpoq pappilissanik nalilinnik aamma nunat allat aningaasaat atorlugit niueqatigiinnernut atatillugu.

Nunani allani niuernerit

GrønlandsBANKEN illit sinnerlutit nunami allami niuernerimik ingerlatsissaguni GrønlandsBANKENip niuernerim attaveqarfissaaq toqqassavaa, allanik isumaqatigiissuteqartoqarsimangippat. Aningaaseriviup atorneqarsimasup kukkussutigisimasai, kiisalu taassuma akiliisinnaassusianut tunngasut, GrønlandsBANKEN akisussaaffingilai.

Nunani allani pappilissanik nalilinnik GrønlandsBANKEN aqqutigalugu toqqortaateqaruit, nunami allami niuernikkut attaveqarfigisap kukkussutigisinnaasai kiisalu taassuma akiliisinnaassusianut tunngasut GrønlandsBANKENip akisussaaffigai, niuernikkut attaveqarfigisassaaq illit nammineerlutit toqqarsimangikkukku.

Inatsisitigut malittarisassat, ileqqut aamma niueqatigiinnikkut piumasaqaatit nunani allani Danmarkimi atuuttunit allaanerujussuusinnaapput. Nunani allani inatsisitigut malittarisassat, ileqqut imaluunniit niueqatigiinnikkut piumasaqaatit GrønlandsBANKENip malissappagit, tamanna aamma ilinnut atuutissaaq.

Nunat allat pilersuisuinit tunisassiat

Nunani allani pilersuisut tunisassiaannik GrønlandsBANKEN neqerooruteqarpat, assersuutigalugit kortit akiliutaasartut, soorlu Dankort/Visa aamma Mastercard, tunisassiat tamakku piumasaatitigit paasinneriaatsit immikkut ittunik malitassaqartitsisinnaapput (assersuutigalugu taamaatitsinissamut kalerriisarneq inatsisitigit aalajangersakkat pillugit) kiisalu inatsisitigit malittarisassat, ileqqut aamma niueqatigiinnikkut piumasaqaatit nunani allani atuuttuusinnaasut.

Maalaaruteqartarnerit

GrønlandsBANKEN pillugu maalaarutissaqaruit, aallaqqaammut immikkoortortat attaveqarfigissavat.

Taamaalioreerlutit GrønlandsBANKENip saaffiginnissutinnik suliarinninnera imaluunniit taassuma inernera suli isumaqatiginngikkukku GrønlandsBANKEN-imi maalaarutitut akisussaasoq attaveqarfigissavat. Immikkoortortat qinnuigisinnaavat maalaartarnermut akisussaasumut innersuussuteqqullutit, imaluunniit maalaartarnermut akisussaasoq pillugu paasissutissat GrønlandsBANKENip nittartagaani paasiniarsinnaallugit.

Saaffiginnissut naammaginatumik iluarsinermik kinguneqanngippat uunga maalaaruteqarsinnaavutit; Atuisartut Maalaaruteqartarfiat, Postboks 689, 3900 Nuuk.

Nunanut allanut aningaasanik nuussisarnerni amerikamiut oqartussaannit piumasaqaatit

Aningaasanik nunanut allanut nuussisagaangavit eqqumaffigissavat paasissutissanik amerikamiut oqartussaannut tunniussisoqarsinnaammat. SWIFT – akiliutinik nuussinernik isumaginnittartoq – peqquneqarsimavoq paasissutissanik tunniussisaqullugit, pinerlunnernut imaluunniit pinerliisunut aningaasalersuisoqarnerisooq pasitsaakkaangamikku, tak. amerikamiut inatsisaat.

Taarsiinissamut akisussaaffik

Kukkunerit peqquutigalugit imaluunniit sumiginnaanikkut pisussaaffinnik isumaqatigiissutigineqarsimasunik kingusinaartukkut imaluunniit amigaateqartumik GrønlandsBANKEN eqquutsitsinissaminik piviusunngortitsisimangikkuni taarsiinissamut akisussaavoq.

Allaat sammisani, akisussaaffeqarnermut sakkortunernik malittarisassaqarfiusuni, annaasaqaatinut makkuninnga peqquteqartunut GrønlandsBANKEN akisussaaffeqanngilaq:

- IT-kut suleriaatsini ajutoornerni/iserfiginnissinnaannginnerni imaluunniit suleriaatsini taakkunani paasissutissat ajortissimanerini, ataani taaneqartunut peqquteqarsinnaappata, GrønlandsBANKEN nammineq imaluunniit avataanit sullissisut suleriaatsinik ingerlatsisuugaluarpataluunniit.
- GrønlandsBANKENip innaallagissamik pilersorneqarnerata ajutoornera imaluunniit attaveqatigiinnermi ajutoorneq, inatsisitigit akuliunnerit imaluunniit ingerlatsinikkut iliuseqarfiginninnerit, pinngortitami ajutoorujussuarnerit, sorsunnenq, pikitsitsineq, innuttaasut eqqissiviilliornerat, aseruinerit, pinerliinerit imaluunniit aserorterinerit (soorlu qarasaasiatigit ajoqusiinerit imaluunniit unioqqutitsilluni qarasaasianut iserfiginninnerit)
- suliumajunnaarnerit, suliffeqarfimmik mattussinerit imaluunniit suliffeqarfimmik assersuinerit, aaqqiagiinnginnerit GrønlandsBANKENimut tutsinneqaraluarpata imaluunniit aallartinneqaraluarpata, imaluunniit taassuma aqunneqarneranut, aaqqiagiinnginnerillu sunik peqquteqaraluarpataluunniit. Tamannattaq atuuppoq aaqqiagiinnginnerup GrønlandsBANKENip ilaannaaluunniit eqqorneqaraluarpat,
- pissutsit allat GrønlandsBANKENip aqussinnaangisai

Ima pisoqartillugu GrønlandsBANKEN'ip akisussaaffeqarnera atuutissanngilaq:

- Pissutsit isumaqatigiissutip isumaqatigiissutigineqarnerani annaasaqarnissamut peqqutaasinnaasut GrønlandsBANKENip ilimagereersimasinnaappagit, imaluunniit annaasaqarnissamut peqqutaasinnaasut pinngitsoortissinnaasimagaluarpagit imaluunniit qaangersimasinnaagaluarpagit.
- qanorluunniit pisoqaraluarpat pissutsit annaasaqarnermut peqqutaasut inatsisit malillugit GrønlandsBANKENimut akisussaaffigitinneqartut.

Suliffeqarfinnut aningaasarsiornermik sammisaqartunut pitsaasumik ileqqulersorneq pillugu nalunaarut
Suliffeqarfinnut aningaasarsiornermik sammisaqartunut pitsaasumik ileqqulersorneq pillugu Namminersorlutik Oqartussat nalunaarummik saqqummiussaqaarsimapput. Pitsaasumik ileqqulersorneq pillugu nalunaarut Aningaasarsiornermik Nakkutilliisoqarfiup nittartagaani takusinnaavatit; www.finanstilsynet.dk, malittarisassat atuuttut uuma ataani atuarneqarsinnaallutik: "Regler og Praksis"/"Lovsamling"/"Grønland"/"Finansiel virksomhed".

Nalunaarut taanna GrønlandsBANKENip innersuussutigaa, malugeqqussallugulu GrønlandsBANKEN pisut ilaanni sullissinermut akiliiffigineqartarmat allatigullu akiliutinik, suleqatigisat tunisassiaannut innersuussineqaraangat imaluunniit tunisisoqaraangat, soorlu taarsigassarsisisiniartartunut attaveqartitsinikkut, aningaasalersuinernut uppernarsaatinik sillimmasiinernillu imaluunniit illunik/inissianik tuniniaasartunut innersuussisarnerni. Aningaaserviup suleqatigisartagai pillugit paasissutissat GrønlandsBANKENip immikkoortortaani pissarsiarineqarsinnaapput.

Aningaasanik ikioraasunut aningaasalersuisunullu qularnaveequsiinermut Aningaasaateqarfik pillugu Inatsit Kalaallit Nunaannut atuuttoq
GrønlandsBANKENimi sullinneqartut aningaasanik ikioraasunut aningaasalersuisunullu Qularnaveequsiinermut Aningaasaateqarfimmit ilaatigut qulakkeerinniffigineqassaatit, GrønlandsBANKEN akiliisinnaajunnaarnermit imaluunniit akilersuinerninik unitsitsinermit eqqorneqassappat.

Qularnaveequsiinermut Aningaasaateqarfiup ilaatigut matussusertarpai aningaasaateqarfinni ateq atorlugu inississimasat. Kalaallit Nunaanni makku pillugit inatsisitigut naleqqussaasoqarsimangilaq; Nanoq-konto, meeqqanut ileqqaakkat kiisalu utoqqalinersiuteqalern issamut ileqqaakkat, taamaammallu erseqqissaatigineqassaaq, kontot tamakku tamakkiisumik matussuserneqartuunngimmata, taamaattorli amerlanerpaaffissatut matussusiinissat katinnerinut ilaatinneqarlutik, tamannalu aningaasanik ikioraasunut aningaasalersuisunullu qularnaveequsiinermut aningaasaateqarfik pillugu inatsimmi Kalaallit Nunaannut qaqugukkulluunniit atuuttumi allassimavoq.

Qularnaveequsiinermut Aningaasaateqarfiup aamma illit aningaasalersuisutut annaasatit matussusissavai, aningaaserivippit pappilissat nalillit aningaaserivimmit toqqortarineqartut, allaffissornikkut aqunneqartut imaluunniit ingerlanneqartut utertissinnaanngippagit. Aningaasaliisumut ataatsimut matussutissat amerlanerpaaffissaat pillugit aningaasanik ikioraasunut aningaasalersuisunullu qularnaveequsiinermut aningaasaateqarfik pillugu inatsimmi Kalaallit Nunaannut qaqugukkulluunniit atuuttumi allassimapput. Aningaasanik ikioraasunut aningaasalersuisunullu Qularnaveequsiinermut Aningaasaateqarfik quppersakkamik naqiterisitsinikuuvoq, tassanilu annertunerusumik atuarsinnaavat qanoq annertutigisumik qularnaveeqquserneqarsimanersutit. Quppersagaq uani pissarsiarisinnaavat; www.garantifonden.dk

Nakkutillineq

GrønlandsBANKEN uuma ataani nakkutigineqarpoq

Finanstilsynet
Århusgade 110
2100 København Ø
Tlf. 33 55 82 82
www.finanstilsynet.dk

Attaveqarfissaq

GrønlandsBANKEN
Imaneq 33
Postboks 1033
3900 Nuuk
Telefon: 299 701234
Telefax: 299 347720
www.banken.gl
banken@banken.gl

Attaveqatigiinneq aamma GrønlandsBANKEN

Aningaaserivik paasissutissanik sunilluunniit qarasaasiakkut ilinnut nassiussisarnissaminut imminut pisinnaatippoq, soorlu netbank imaluunniit e-mail aqcutigalugu, naak GrønlandsBANKENip allagaataani, malittarisassaataani il.il. oqaatsit "allaganngorlugit", "allakkatigut", "konto-p assilinerata naqinneratigut" il.il. atorneqararluartut. Soorunami tamanna taamaallaat pisinnaavoq inatsisit atuuttut malillugit periarfissaqarpat, imaluunniit ilinnik isumaqatigiissuteqartoqarsimappat.

GrønlandsBANKEN aalajangersinnaavoq niueqatigiinnikkut oqaatsit atorneqartut danskisuujujussaasut, soorlu uppernarsaatit allakkat ilaanni immikkut ittuni. Isumaqatigiinngittoqartillugu isumaqatigiissutip danskisut oqaasertalersorneqarnera isumasiuinermit tunngavigineqassaaq, isumaqatigiissummut kalaallisut oqaasertalersugaasumut salliutillugu.

Niueqatigiinnikkut piomasaaqatit nalinginnaasut naqinneri nutaat

Niueqatigiinnikkut piomasaaqatit pigisatit annaassagukkit imaluunniit arlaannik peqquteqartumik naqitanik nutaanik pisariaqartitsiguit, GrønlandsBANKENip nittartagaani takusinnaavatit, imaluunniit GrønlandsBANKEN'imut saaffiginninnikkut.

Taarsigassarsinernut akiitsorsinnaanernullu niuernikkut piomasaaqatit nalinginnaasut malittarisassallu immikkut ittut allanngortinneqarnerat

Taarsigassarsinernut akiitsorsinnaanernullu niuernikkut piomasaaqatit nalinginnaasut malittarisassallu immikkut ittut siumut kalerriutigeggaarnagit allanngortinneqarsinnaapput, allannguutit ilinnut iluaqutaassappata. Niuernikkut piomasaaqatit nalinginnaasut, immaqalu malittarisassat immikkut ittut allanngortinneqarsinnaapput qaammatinillu pingasunik siumut kalerriinnikkut nutaat atuutsinneqalerlutik, allannguutit ilinnut iluaqutaassanngippata.

Allannguutit pillugit allakkatigut imaluunniit tusagassiuutitigut ullormut saqqummersartukkut ilisimatinneqassaatiit. Taamattaaq piomasaaqatit GrønlandsBANKENip nittartagani takuneqarsinnaapput.

Atuutilernerat

Niueqatigiinnermi piumasaqaatit nalinginnaasut atuutilissapput 1. januar 2010 aallarnerfigalugu, taarsissallugillu niueqatigiinnermi piumasaqaatit nalinginnaasut siulii 14. maj 2009-imi atuutilersut. Piumasaqaatinut atuupput sullitanut tunngasut pioreersut siunissamilu sullitassanut.

GrønlandsBANKEN, 1. oktober 2009

Niueqatigiinnikkut piunasaqaatinut nalinginnaasunut, atuisartunut (akiliisarnermi sullissinerit) 01.01.2010 - atuutilersussanut ilassutit

Akiliisarnermi sullissinernut ilassutit

Aallarniut

Illassummi matumani pineqartut GrønlandsBANKENip akiliisarnermi sullissineranik atuinermit pisinnaatitaaffitit aamma pisussaaffitit. Assersuutigalugu makkuusinnaasut:

- Kontomut akiliutitut atortumut aningaasanik ikisineq,
- Kontomit akiliutitut atortumit aningaasanik tigusineq,
- Kontomut akiliutitut atortumut akiligassanik nuussinernik isumaginnineq, soorlu akiitsorsinnaanermut nuussinerit imaluunniit kortimut nuussinerit,
- Aningaasanik nuussinerit.

Illassummi matumani oqariaatsit qitiutinneqartut tassaapput; akiliutinik nuussineq, akiliutitut konto, aamma ulloq suliffiusoq aamma ulloq erniaalersuiffiusoq.

Akiliutinik nuussineq

Illiutsit, akiliiniartumit imaluunniit akiliutinik tigusisussamit aallartinneqartut akiliinissaq, nuussinissaq imaluunniit aningaasanik tigusinissaq siunertaralugu, akiliisussap aamma akiliutinik tigusisussap akornanni saniatigut pisussaafeqarsinnaaneq eqqarsaatiginagit.

Akiliutitut konto

Akiliutitut konto, tassaasoq konto akiliutinik nuussinissanut isumaginninnissaq siunertaralugu pilersinneqarsimasoq. Assersuutigalugu akissarsiatit aamma missingersuusiorninnut kontot tamakkununga ilaasinnaapput.

Ulloq suliffiusoq

Ulloq suliffiusoq tassaavoq ulloq, akiliisussap imaluunniit akiliummik tigusisussap sullissisuata pineqartup, akiliinermik nuussinermik isumaginninnermut peqataasup, akiliinermik nuussinerup isumagineqarnissaanut pisariaqartinneqartut ammaffigisaa.

Ulloq erniaalersuiffiusoq

Ulloq, akiliineq, tigusineq allatulluunniit kontot nikerarfiat konto-nni erniaanik naatsorsuinermit sunniuteqartoq

Akiliinermi sullissineq pillugu malittarisassat immikkut ittut

Akiliisarnermut sullinneqarnerit pillugit ilassutip saniatigut akiliisarnermi sullinneqarnermut GrønlandsBANKENip piunasaqaatai immikkut ittut atuupput. Assersuutigalugu tamakku tassaasinnaapput GrønlandsBANKENip Dankortit pillugit malittarisassai imaluunniit netbank pillugu isumaqatigiissutit.

Akiliutinik nuussinernik isumaginnineq

Akiliutinik nuussinissaq illit sinnerlutit GrønlandsBANKENip isumagissappagu makku nalunaarutigissavatit; nalunaarsuinermit normu aamma kontop normua kontomut aningaasanik ilanngaaffigisassamut attuumassuteqartoq.

Nunap iluani nuussinerni nalunaarutigissavatit nalunaarsuinermit normu aamma kontop normua kontomik piginnittup aningaasanik nuussiffigisassamut attuumassuteqartoq.

Nunat killeqarfii akimorlugit akiliutinik nuussinermit nalunaarutigissavatit IBAN-nr. aamma Swiftkode.

Akiliiffissatut kortit ataatsimoorussat atorlugit akiliinermi FI-kreditnummer nalunaarutigissavat.

Akiliinissamut peqqusineq, kinaassutsimik uppernasaalluni kode paatsuugassaangitsoq, akiliinissamut peqqusinermit tunniunneqarsimasoq malillugu isumagineqartoq, eqqortumik isumagineqarsimasutut GrønlandsBANKENip eqqortutut isumaqarfigaa.

Akiliinissamut peqqusinerit GrønlandsBANKENip isumaginissaanut piunasaqaat tassaavoq, aningaasat amerlassusii kontomi pineqartumi matussutissaqarneri.

Akiliinissamut peqqusineq

Assersuutigalugu akiliinissamut peqqusinerit periutsit makku arlaat atorlugu isumagisinnaavatit:

- GrønlandsBANKEN-imut nammineerlutit saaffiginninnikkut
- Netbank-it aqutugalugu
- GrønlandsBANKEN-imut allakkani nassiussinikkut.

Akiliinissamut peqqusineq tiguneqarsimasutut isigineqassaaq ulloormi suliffiusumi akiliinissamut peqqusineq GrønlandsBANKEN'imit tiguneqarfiani.

Akiliinissamut peqqusineq, ullup suliffiusuup naammassilivinnerani tiguneqartoq, tiguneqarsimasutut isigineqassaaq ullormi suliffiusumi tulliuttumi, aatsaallu ullormi suliffiusumi tullermi ingerlateqqillugu isumagineqassalluni. Akiliinissamut peqqusinerit ullormi ataatsimi ingerlateqqillugit isumagineqartartussaasut tiguneqarnissaannut piffissaliussaq kingulleq pillugu GrønlandsBANKEN-imut saaffiginninnikkut erseqqinnerusumik paasisaqarfigisinnaavat.

Akiliinissamut peqqusinerit utertitsineq aamma itigartitsineq

Akiliinissamut peqqusineq GrønlandsBANKENip tigoreernerani unitsinneqarsinnaangilaq.

Taamaattorli akiliinissamut peqqussutit piffissami kingusinnerusukkut aatsaat isumagineqartussaasut unitsinneqarsinnaapput, kingusinnerpaamik ulloq isumaqatigiissutigineqartoq sioqullugu ullup suliffiusup naalernerani.

Akiliinissamut peqqusinerup unitsinneqarnissaa kissaatigigukku netbank aqutugalugu pisinnaavoq imaluunniit GrønlandsBANKENimut saaffiginninnikkut. Unitsitsinermit sullinneqarnermi akiliutinik akileeqqusinnissamut GrønlandsBANKEN pisinnaatippoq.

Kukkunerit piviusunik tunngaveqartut peqqutugalugit akiliinissamut peqqusinerit itigartinneqarpat, tamanna pillugu GrønlandsBANKENip ilisimatissavaatit, itigartitsinermit peqqutaasut kiisalu kukkuneq itigartitsinermit kinguneqartitsisoq iluarsiniarlugu periusissat pillugit ilisimatissavaatit.

Isumaginninnissamut piffissap sivisunerpaaffissaa

Akiliinissamut peqqussut ullormi akiliiffiusussami GrønlandsBANKENimik isumaqatigiissuteqarfigisimasanni, tamatigit kontonnit ilanngaatigineqartassaaq. Ullut suliffiusut pingasut ingerlasinnaasarput piffissamit aningaasanik illit akiliinissamut konto-nit ilanngaatigineqareerneranni, akiliutinik tiguisussap aningaaseriviani kontoanut aningaasat ikineqarnissaasa tungaanut

Pappilissat atorlugit akiliutinin nuussinerni isumaginninnissamat piffissaq ullut suliffiusut sisamat angullugit sivilissuseqarsinnaapput. Assersuutigalugu tamakkununga ilaapput giro-kortit atorlugit akiliutit imaluunniit nunanut allanut nuussinissaq siunertaralugu immersugassat GrønlandsBANKEN-imi immersukkatit.

Tamanna aamma pisinnaavoq allakkatigut imaluunniit e-mail-ikkut GrønlandsBANKEN aningaasanik nuusseqqullugu qinnuigigukku.

Akiliutinin nuussinerit pillugit paasissutissiineq

Ima pisoqartillugu GrønlandsBANKEN sullissinermi akiliutinin akileeqqusinissaminut pisinnaatippoq; illit qinnuteqarnerit malillugu GrønlandsBANKEN paasissutissanik amerlanerusunik tunniussippat, akulikinnerusunik paasissutissiippat imaluunniit isumaqatigiissutaasut qulaani pineqartut saniatigut attaveqatigeriaatsit allat atorlugit paasissutissanik tamakkununga nassiussinissanik neqerooruteqarpat.

Nunat allat aningaasanik taarsiinerni nalingi pillugit paasissutissiineq

Nunat allat aningaasaannik taarsiinerni nalivii pillugit imaluunniit nalinginut najoqqutassat pillugit paasissutissanik pissarsinnaavutit, nunat allat aningaasaannik taarsiineq pisimappat, GrønlandsBANKEN-imi Market-imut immikkoortortaanut attaveqarfiginnikkut.

Nunat allat aningaasaannik taarsiinermi aningaasat nalingi aalajangersimasut siumut kalerriuteqaqqaarnani GrønlandsBANKEN allannguisinnaavoq.

Akiliutinin nuussinerit pillugit misissuineq

Konto-nni inissiisimanerit ingerlaavartumik misissortarnissaannut pisussaaffeqarputit. Misissuininni nuussinerit illit uppersaatinnut naapertuutinnigut paasigukkit, imaluunniit isumagisimanagit isumaqarfigisatit paasigukkit, sapinngisamik piaarnerpaamik GrønlandsBANKEN-imut saaffiginnissaatit.

Akuerineqanngitsumik akiliutinin nuussinerit

Akiliinissamat kontotit atorlugit akiliineq arlallilunniit isumagineqarsimasut illit akuerisimanagit imaluunniit isumagisimanagit isumaqarfigisatit, akuerineqanngitsumik nuussinerit paasiniarlugit sapinngisamik piaarnerpaamik GrønlandsBANKEN-imut saaffiginnissaatit. Piffissaatillugu saaffiginnissimanerit nalilersornerani kontonni inissiisimanerit ingerlaavartumik misissortarnissaannut pisussaaffiit pingartinneqartutut isigineqassaaq. Qanorluunniit pisoqaralarpat kontot atorlugu nuussinerit isumagineqarsimanerannit kingusinnerpaamik qaammatit 13-it qaangiutinnginnerini GrønlandsBANKEN-imut saaffiginnissaatit.

Akiliummik nuussinerimik utertitsineq

Kinaassutsumik kode paatsoorneqarsinnaanngitsoq kukkusuusoq nalunaarutigisimallugu akiliinissamat nuussinerimut pequtaasimasoq aningaasartai GrønlandsBANKENip utertinniarsinnaavai.

Erniaanik naatsorsuineq aamma aningaasat atorsinnaalerfii

Akiliinissamat kontomut ikisinerni erniaanik naatsorsuineq

Akiliinissamat kontonnut aningaasanik ikisisoqarnerani ulloq erniaalersuiffiusoq tassaavoq ulloq suliffiusoq, GrønlandsBANKENip aningaasanik tigusiffigisaa. Ullup suliffiusup naanerani imaluunniit ullormi suliffiunngitsumi GrønlandsBANKENip aningaasat tiguppagit, aningaasat ikineqartut erniaalersorneqalissapput ullup taassuma kingorna ullormi suliffiusumi siullermi.

Akiliinissamat kontomit tigusinerni erniaanik naatsorsuineq

Akiliinissamat kontonniit aningaasanik tigusisoqarnerani ulloq erniaalersuiffiusoq tassaavoq ulloq suliffiusoq, aningaasat kontonniit ilanngaatigineqarfiat.

Aningaasat nuunneqartut atorsinnaalerfii

Aningaasat akiliinissamut illit kontonnut ikineqarniariarpata aningaasat atorsinnaalissavatit. Aningaasalli atorsinnaalersinnaanngilatit ullormi sulffiunngitsumi.

Aningaasanngorlugit akiliutinik atuisinnaalerneq

Aningaasanngorlugit akiliinissamut kontonnut ikisisoqarnerani aningaasat piffissami tiguenerisa kinguninngua atorsinnaanngortinneqassapput.

Sullissinermut akiliutit

Akiliisarnermi sullississutit atorneranut atatillugu GrønlandsBANKEN-ip sullissinermi akiliisitsissutigisartagaasa amerlassusii GrønlandsBANKEN-ip akinik allattorsimaffiani takuneqarsinnaapput.

Akiliisarnermi sullississummut sullissinermi akiliiummik ingerlaavartumik akiliisitsiniartoqartarpat, GrønlandsBANKENip taamaallaat akiliisarnermi sullissutit taamaatinnissaat tungaanut sullissinermi akiliiummik akiliisitsiniassaaq.

Akiliinissamut kontonnut aningaasanik nuussisoqarpat, aningaasanit nuunneqartunit nuussinermut atatillugu sullinneqarnermi akiliutinik ilanngaanissamut GrønlandsBANKEN pisinnaatitaavoq, aningaasat illit kontonnut ikineqannginnerini.

Akiliinissamut peqqusinerup itigartinneqarnera pillugu peqqutaasut pillugit nalunaarfigineqarnermut atatillugu sullissinermi akiliutinik akileeqqusinissaminut GrønlandsBANKEN imminut pisinnaatippoq.

Kinaassutsimut ilisarnaat paatsoorneqarsinnaanngitsoq kukkusoq atorlugu nalunaarsimallutit aningaasanik utertitsiniarlutit misiliigaluarnermi sullissinermi akiliutinik akileeqqusinissaminut GrønlandsBANKEN imminut pisinnaatippoq.

Allannguutit

Akiliisarnermi sullississutinut atatillugu ilassutit makku kiisalu sullissinermut akiliutit GrønlandsBANKENip qaammatinik marlunnik sioqqutsilluni kalerrinikkut allanngortissinnaavai, allannguinerit ilinnut iluaqutaassanngippata. Allannguinerit allat siumut kalerreeqqaarnani allanngortinneqarsinnaapput. Allannguinerit pillugit ilinnut nalunaarutigineqassapput, tusagassiutitigit ullormut saqqummersartukkut nalunaarutiginninnikkut, GrønlandsBANKENip nittartagaatigit imaluunniit qarasaasiakkut. Najukkat imaluunniit e-mailadresset allanngussagaluarpata GrønlandsBANKEN-imut nalunaarutiginiissai nammineq pisussaaffigaat, taamaalillunilu e-mail-ip imaluunniit najukkavit allanngortineri pillugit nalunaarutiginnissimanninnerit peqqutigalugu allannguutit pillugit nalunaarummik pissarsisimannikkuit nammineerlutit akisussaaffigissallugu.

Malittarisassat allanngortinneri aalajangerneqartutut isigineqassapput, atuutilernissaanut ulloq nallinnginnerani GrønlandsBANKEN nalunaarfigisimannikkukku, malittarisassanut nutaanut pituttorsimanissat kissaatiginagu.

Malittarisassanut nutaanut pituttorsimanissat kissaatiginagu nalunaarsimaguit, attuumassuteqarneq taamaatinneqartutut isigineqassaaq, piffissaq malittarisassat nutaat atuutilernerannit aallarnertumik.

Atorunnaasitsineq

Akiliisarnermi sullississutit atorneri pillugit isumaqatigiissutit taamaatinnissaat kissaatigigukku allakkatigit tamanna pissaq, qaammamillu ataatsimik sioqqutsisumik kalerreereernikkut.

Akiliisarnermi sullississutit pillugit ilinnik isumaqatigiisutit qaammammik ataatsimik sioqqutsilluni kalerreereernikkut GrønlandsBANKEN-ip atorunnaarsissinnaavai.